

# Zhude letereŋi

## Mpe yii à yaa yii cè mà jwo yii jyè letereŋi funɔ jwumpe e ke

Zhude na mpyi wuu Kafooŋi Yesu Kirisita cìmpworo. Cyelentiibii kafinivinibii pii mpyi na kàlanji wà kaan dánafeebil'á na Kile maha sùpyire kapegigii yàfani pi na, ná lire e dánafeebii sí n-jà raa pi nyii karigii puni pyi. Lire e Zhude à nge letereŋi sém'a tun dánafeebil'á, maa li cyêe pi na na pi àha raa pi jwumpe núru me, ɲaha kurugo ye pi nyɛ na fyáge Kile na me.

### Jwumpe tasiige

**1** <sup>1</sup> Mii \*Zhude u nyɛ Yesu \*Kirisita báarapyi, maa mpyi \*Yakuba sɔŋɛ ke, Tufooŋi Kile à yii mpiimu yyere mà pyi u wuu, maa yii kyaa táan uy'á, maa yii saɲcwɔŋi sigili na Yesu Kirisita cannuruge sigili ke, yii á mii à nge letereŋi tun. <sup>2</sup> Kile u ɲùɲaara ta yii na, u u yyeɲiŋke ná tàange kan yii á sèe sèl'e.

### Cyelentiibii kafinivinibii kani

<sup>3</sup> Mii ntàannamacinmpyiibii, mii la mpyi a sɔi si letere séme si ntun yii á wuu mú puni zhwoŋi kyaa na. ɲka mii à li ta kacenne li nyɛ li li mii u nge letereŋi tun yii á si màban le yii e, bà yii si mpyi si yiye waha Kile kuni zhì leni na, lire ndemu l'á le Kile wuubii taan tɔɔɔ niŋkin fo tèkwombaa ke.

<sup>4</sup> Mii à u tun yii á, ɲaha na ye mpɔi pi nyɛ pi nyɛ na fyáge Kile na me, pire pil'á ɲwɔh'a jyè yii shwɔhɔl'e, maa wuu Kile kacenni kani labali na yu, si nta raa silege baa karigii pyi. Wuu ɲùɲufooŋi ná wuu Kafooŋi niŋkinji u nyɛ Yesu \*Kirisita ke, pi maha uru cyíge. Mà lwɔ fo tèemɔni i y'á séme Kile Jwumpe Semɛŋi i na Kile sí pire sàra si ntàanna ná pi kapyiŋkil'e.

<sup>5</sup> Kyaa maha kyaa mii sí n-jwo yii á ke, yii à cyire puni cè mà kwɔ, ɲka mii sí yii funɔ cwo cyi na na Kafooŋi à u shiinbii yige \*Misira kɔni i ke, mpɔi pi mpyi pi e pi nyɛ a dá u na me, u à pire bɔ. <sup>6</sup> Yii funɔ cwo li na mú, mèlekeɛbii pi mpyi ná pi tayyérege mpyi a pi yyaha ɲi me, ka pi i yíri pi tatɛnge e ke, pire nimpwɔɲahabii pi nyɛ tèrigii puni i yɔɔyi na numpini cyage e, na canmbwɔhe sigili, kuru canŋke Kile sí pi sàra si ntàanna ná pi kapyiŋkil'e. <sup>7</sup> Yii funɔ cwo Sɔɔɔmu ná Gɔmɔri kànyi shiinbii ná pi kwùumpe kànyi shiinbii na mú. Pire mpyi a piye yaha \*jacwɔɔre ná silege

baa karigii mpyiŋi na pire mèlekeebii fiige. Lire e Kile à nafugombaage tég'a pire súgo si mpyi yyecyeene.

<sup>8</sup>Nye pire cyelentiibii kafinivinibii kyaa mii à jwo ke, cyire karigii shiŋi pire nye na mpyi mú: pi maha piye jwóre ná jacwóre e, maa ŋko na cyire karigii kun'à kan pir'á ŋwóyi i, pi maha Kafoonji kafente cyíge, pèent'à yaa ti taha yaaga maha yaaga na niŋyiŋi na ke, pi maha yire cyere. <sup>9</sup>Mà li ta Misheli u nye mèlekeebii jùŋufembwóhó ke, mà u ná Sitaanniŋi yaha piye na \*Musa buwuŋi kyaa na, u nye a Sitaanniŋi jwó shwó ná cyàhigil'e me, ŋka u à jwo kanna: «Kafoonji Kile u ma sâra.» <sup>10</sup>Ŋka pire kafinivinibii nye a yaage ŋkemu cè me, pi maha kuru ŋjini fare, pi na nye mu à jwo sige yaaya. Pi maha karigii pyi piye jùŋó kurugo, pi yabilimpíi kapyiini li sí pi shi tò. <sup>11</sup>Pi wuun'à kèege, jaha kurugo ye pi à kumpiini lwó Kanji<sup>a</sup> fiige. Wyérenji kurugo pi à sùpyire wurugo Balamu<sup>b</sup> fiige. Pi à jùŋó kyán Kile na, bà Kore<sup>c</sup> mpyi a jùŋó kyán me, lire kurugo Kile sí pi shi bò.

<sup>12</sup>Pire pi maha karigii nyaha na wùruge yii kaŋgwóŋo ŋjyiŋi cyeyi i, silege nye pi na me. Piye kanni pi maha wíi. Pi na nye mu à jwo kilewwoo kaféŋg'à ndemu fwó a tòro ke, pi na nye mu à jwo cire ntemu ti nye ti nye a sîi na yasere pyi tène là tufiige e me, pi na nye mu à jwo cige k'à òr'a kò ná ku ndire e ke, lire kurugo k'à waha. <sup>13</sup>Pi maha pi silege baa karigii pyi sùpyire nyii na, bà suumpe lwóhe maha ŋkânŋi na yíri maa kakyayi yige na wàa cyíŋŋi na me. Pi na nye mu à jwo wórii ŋcyiimu cyi nye na jaare na mâre ke. Nde Kile à bégele pi mée na ke, lire li nye nimpiriŋke, pi sí n-pyi kur'e fo tèekwombaa.

<sup>14</sup>Enóki u mpyi Adama tùluge lyeŋwóge baashónwoge ke, Kile mpyi a uru pyi u à jwo mpii shinpiibii shiŋi kyaa na, u mpyi a jwo: «Kafoonji sí n-pa ná u mèlekeebii kampwóhii niŋyahapnyahamil'e, <sup>15</sup>si sùpyire puni sâra si ntàanna ná pi kapyiŋkil'e, mpii pi nye pi nye na fyáge Kile na me, si pire cèege pi \*kapegigii mpyiŋi kurugo. Jwuŋgama maha jwuŋgama pi à jwo u na ke, u sí pi cèege cyire puni kurugo.»

<sup>16</sup>Jwuŋyahamafee pi nye pi pi, pi funŋke nye na jíŋjini me, pi maha jaare na ntàanni ná pi jyii karigil'e, pi maha jwumbwompe yu, maa sùpyire booli pi nàfanŋi kurugo.

### Dánafeebil'à yaa pi piye waha Kile kuni i

<sup>17</sup>Ŋka mii ntàannamacinmpyiibii, yii pi ke, jwumpe Yesu túnntunmpil'à fyánha a jwo yii á ke, yii àha funŋó wwò puru na me. <sup>18</sup>Pi mpyi a jwo

<sup>a</sup>1.11 Adama jyaŋi niŋcyiŋi u mpyi Kanji. Ur'à u còŋŋi bò (Zhenezi 4.1-8).

<sup>b</sup>1.11 Wyérenji kurugo, Balamu mpyi a Izirayeli shiinbii wurugo pi i kacyanhigii sunni (Nòmburu 22.4-35).

<sup>c</sup>1.11 Kore mpyi a jùŋó kyán Kile túnntunŋi Musa na (Nòmburu 16.1-35).

yii á na \*dinyeñi canzanpi i, sùpyire tà sí raa yii fwóhore, pi sì raa fyáge Kile na me, pi sí raa pi nyii karigii pyi. <sup>19</sup> Tire sùpyire ti nye nte, pi maha ma ná ndàhalanji i dánafeebii kurunke e, pi maha pi karigii pyi mà tàanna ná pi yabilimpíi sònḡḡkanni i. \*Kile Munaani nye pi e me.

<sup>20</sup> Ḥka yii pi ke, mii ntàannamacinmpyiibii, yii yiye waha yii raa sì yyaha na Kile kuni i, yii raa Kile jáare u Munaani fàhe cye kurugo. <sup>21</sup> Kile à yii kyaa táan uy'á, yii kwôro kuru tàange e. Kafoonji Yesu \*Kirisita nùḡaare funḡke e, u sí shìḡi niḡkwombaaji ḡgemu kan yii á ke, yii a uru sigili. <sup>22</sup> Mpii pi nye ná funyḡ shuunni i ke, yii a pire nùḡaare taa, yii fànha le, yii i pi yákilibii tìḡe. <sup>23</sup> Yii i pìi ñir'a yige nage e bà pi si mpyi si shwḡ me. Pii na nye wani, yii a nùḡaara taa pire na mú, ḡka yii a yiye kàanmucaa pi na, yii laaga tḡḡn pi katupwḡḡyi puni na, ali pi vànntinpi y'à nḡḡḡ \*kapegigii cye kurugo ke, yii yire cyé.

### **Jwumpe nizanmpe**

<sup>24</sup> Kile sí n-jà yii shwḡ kapegigii mpyiñi na, si yii tìḡire cyaga baa wuubii ná yii funntanga wuubii pyi yii yyére u yyahe taan u sìnampe e canḡka. <sup>25</sup> Uru Kile niḡkinji u à wuu shwḡ wuu Kafoonji Yesu \*Kirisita cye kurugo. Sìnampe ná pèente ná fànhe ná nùḡufente nye u á, mà ta dinyeñi sàha dá me, maa mpyi u á nume ná tèkwombaa. Amiina!